



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Cisterciensis Ordinis

Le Mire, Aubert

Coloniae Agrippinae, 1614

Institvta Monachorvm Cistertiensium de Molismo venientium.

urn:nbn:de:hbz:466:1-11259

Dei semper timorem & amorem in vestris cordibus habere satagit: ut quanto à secularibus tumultibus & delicijs liberiores estis, tanto amplius placere Deo totis mentis & animæ virtutibus angeretis. Sanè si quis in crastinum Archiepiscopus aut Episcopus, Imperator aut Rex, Princeps aut Dux, Comes aut Vicecomes, Iudex, aut Ecclesiastica quelibet, Secularisve persona, hanc nostræ constitutionis paginam sciens contrâ eam venire tentauerit, secundò tertiove commonita, si non satisfactione congrua emendauerit, potestatis, honorisque sui dignitate careat, reumque se diuino iudicio existere de perpetrata iniuitate cognoscat, & sanctissimo corpore ac sanguine Dei & Domini nostri IESV CHRISTI aliena fiat, atque in extremo examine destinatæ ultioni subiaceat. Cunctis autem eidem loco iusta seruantibus sit pax Domini Nostri IESV CHRISTI, quatenus & hic fructum bonæ actionis percipient & apud districtum Iudicem præmia æternæ pacis inueniant. Datum Troiæ XIV. Kal. Maij, Indictione octaua, Anno 1100.

INSTITUTA MONACHORVM CL
stertiensium de Molifmo venientium.

ANNO
1100.

DE HINC Abbas Albericus, & fratres eius, nō immemores sponzionis suæ, regulam

regulam B. Benedicti in loco illo ordina-
re & vnanimiter statuerunt tenere, reii-
cientes à se quidquid regulæ refragabatur,
foricos videlicet & pelliccas ac stamina,
caputia quoque & femoralia, pectinia &
coopertoria, stramina lectorum, ac diuersa
ciborum fercula, saginam etiam, & cæteræ
omnia quæ puritati regulæ aduersabantur
sicque rectitudinem regulæ supra cunctum
vitæ suæ tenorem ducentes, tam in eccle-
siasticis, quam in cæteris obseruationibus,
regulæque vestigiis sunt adæquati, seu con-
formati. Extra ergo veterem hominem,
nouum se induisse gaudebant, & qui nec in
regula, nec in vita S. Benedicti, eundem
doctorem legebât possedisse Ecclesias, aut
altaria seu oblationes, aut sepulturas, vel
decimas aliorum hominum, seu furnos vel
molendina, aut villas vel rusticos, nec et-
iam fœminas monasterium eius intrasse,
nec mortuos ibidem, exceptâ forore suâ,
sepeliisse; ideo hæc omnia abdicauerunt,
dicentes: *Vbi beatus Pater Benedictus daret, ut
monachus à secularibus actibus se faciat alienū.*
*ibi liquido testatur, hac non debere versari in
actibus vel cordibus monachorum, qui nominis
sui Etimologiam, hæc fugiendo sectari debent.*
Decimas quoq; aiebant à sanctis Patribus,
qui organa erant Spiritus sancti, quorum-
que statuta transgredi sacrilegium est com-

B s mittere,

mittere, in quatuor partitiones distribu-
tas, vnam scilicet Episcopo, alteram Pres-
bytero, tertiam hospitibus ad illam Eccle-
siam venientibus, seu viduis & orphanis,
sive pauperibus abundè victum non ha-
bentibus; quartam restaurationi Ecclesie.
Et quia in hoc computu personam mona-
chi, qui terras suas possidet, vnde & per se
& per pecora sua laborando viuat, non re-
periebant, idcirco hæc veluti aliorum ius,
iniuste sibi usurpare detrectabat. Ecce hu-
ius seculi diuitijs spretis, cœperunt noui mi-
lites Christi cum paupere Christo paupe-
res inter se certare quo ingenio, quove ar-
tificio, seu quo exercitatio in hac vita se
hospitesque diuites & pauperes superue-
nientes, quos ut Christum suscipere præci-
pit regula, sustentarent. Tuncque defi-
nierunt se *conuersos laicos barbatos*, licen-
tia Episcopi sui suscepturos, eosque in vita
& morte, *excepto monachatu*, ut semetipsose
suscepturos, & homines etiam mercena-
rios, qui sine adminiculo istorum non in-
telligebant se plenariè die siue nocte præ-
cepta regulæ posse seruare: susceptores
quoque terras ab habitatione hominum
remotas, & vineas, & prata, silvas, aquas-
que ad facienda molendina, ad proprios
tantum usus, & ad punctionem, & equos
pecoraque diuerla necessitati hominum
utilia.

*Conuersi
laici bar-
bati.*

utilia. Et cum alicubi curtes ad agriculturas exercendas instituissent, decreuerunt, ut predicti Conuersi domos illas regerent, non monachi: quia habitatio monachorum secundum regulam debet esse in clauistro ipsorum. Quia etiam beatum Benedictum non in ciuitatibus, nec in castellis nec in villis, sed in locis a frequentia populi semotis cœnobia construxisse, sancti viri sciebant, idem se æmulari promittebant. Et sicut ille monasteria constructa per duodenos monachos adiuncto Patre disponebat, sic sectueros confirmabant.

DE TRISTITIA ILLORUM, qb paucitatem imitantium.

ILLUD virum Dei predictum Abbatem Albericum, & nos aliquantulum mœstitiæ subdidit, quod raro quis illis diebus illuc ad eos imitandos venerit. Viri enim sancti thesaurum virtutum cœlitus inuentū, successoribus ad multorum salutem profuturum committere gestiebant: sed ferè omnes videntes & audientes vitæ eorum asperitatem insolitam & quasi inauditam plus corde & corpore elongare, quā ad proximare se eis festinabant, & de perseverantia eorum titubare non cessabant.

Sed